

# اِسْتِثْنَا

۲۰ تشرین ثانی ۱۳۲۴

چشنبه

نومرو ۱۱

## تابعیت حقنده بعض مطالعات وقانون عثمانی

اوتجی نسخه دن مابعد:

تاسیق بختسده ده قانون عثمانی محتاج تعدیلدر . بوکا دار اولان اوچنچی مادهده « سن رشده واصل اولان بر اجنبی ممالک عثمانیهده علی التوالی بش سنه اقامت ایلدیکی حالده بالذات و یا باواسطه خارجیہ نظارت جلیله سنه بر استدعا تقدیمیه تابعیت دولت علیه یی استحصال ایده بیلور » دینلمش اولمنسه نظراً تابعیت عثمانیه دحول ایچون شرط اساسی یالکیز ممالک شاهانه داخلنده بر مدت اقامت ایتمش اولمقدن عبارتدر . حالبوکه دولتر ، ولو ملکری داخلنده بر مدت اقامت ایتمش اولسون ، مراجعت ایدن اشخاصی او قدر سهوانسه تحت تابعیت قبول ایتمزلر ؛ بوندهده حققری واردر . چونکه ، حال احتیاج و یا سؤ شهرت کبی ، بر طاقم نقائصه دوچار اولان کیمسه لری تلسیقده بر فائده یوقدر ؛ اجانبک تابعیت قبولی ایسه دولتجه بر منفعت تأمین ایتمک اقتضا ایدر . بالعکس حائز نقائص اولان کیمسه لر تابعیتسه قبول اولنمقله مملکتیه فائده دکل ، ضرر ایراث ایدرلر . بو متبوعی اولان دولته علاقه سی کسمیان بر کیمسه یی تاسیق ایتمکده ، او شخصک دولت متبوعه سیله اختلاف حدوتی موجب اوله چیی ایچون ، اکثریت علماء حقوقجه تجویز اولنماقدهدر . بناء علیه تابعیت عثمانیه نک احرازینه مقتضی شرائط میانسه « اسباب معیشتی تدارکه مقتدر اولدیغنی ، حسن حال ایله متصف اولوب هیچ بر وجهله سؤ شهرتله مشتهر و — هیچ اولمزره — جانیته محکوم اولمدیغنی و دولت متبوعه سی ایله اولان علاقه و رابطه سی قطع — استشاره —

ایلدیکی ائبانه مجبور « اولوق قیدینی علاوه ایتک همه حال لازمدر . فقط بو شرائطی حاض اولان اجنیلر مملک شاهانه ده نسوان عثمانیه ایله ازدواج ایتدکلی حالده ، تابعیت عثمانیه قبوللری ایچون ازدواجلرندن صکره مثلاً یالکیز اوج سنه اقامت ایتش اولملری کافی عد اولمق کبی ، حققرنده سهولت اراسه سی ممکندر .

تبعه عثمانیه دن بری ایله ازدواج ایدن اجنبی قادینلرک اشبو ازدواجلری حسینیه تابعیت عثمانیه به داخل اولمش اولدقلری حتمده قانونده صراحت بولمق لازمدر . واقعا رجال عثمانیه ایله ازدواج ایدن اجنبی قادینلر نظر حکومته عثمانیدر . چونکه مسلاک قانون زوجین بیننده و حدت صفی تأمیندر ، که نظریاته موافقدر . آنجق عبارته قانونیه ده صراحت اولمزده اوندن یالکیز دلالة بر حکم استنباط اولنورسه بوندن بین الدول اختلافات تحدث ایدر . نته کم فرانسه ایله بو باده دائماً اختلاف ظهور ایدمیلر ، و ایتدیکیه واقعدر .

فرانسه قانوننه نظر آ فرانسه تبعه سندن بر قادین بر اجنبی ارکک ایله ازدواج ایتدیک حالده فرانسه تابعیتی ضایع ایدمیرک زوجتک منسوب بولندی دولت تابعیتنه کیرر ، اکر او دولت قانوننده تبعه محلیه نک تزوج ایلدیک اجنبی قادینلرک تابعیت محلیه قبول اولنه حققرینه دار صراحت وارسه ؛ بویه بر صراحت بوقسه قادین نظر قانونده فرانسه تابعیتندن چقماز . قانون عثمانیه ایسه بویه بر صراحت بولمیدغندن ، تبعه عثمانیه ایله ازدواج ایدن فرانسه لی قادینلرک صفت عثمانیه احراز ایتش اولملری فرانسه حکومتی تسلیم ایتیمور . اشته بو کبی محاذیره محل قالمق ایچون ، تبعه عثمانیه ایله ازدواج ایدن نسوان اجنبیه نک تابعیت عثمانیه به داخل اوله حققرینه دار قانونه بر ماده صریحه درجی اقتضایدر .

آنجق ، فلمنک کبی ، بعض دولتلر ازدواجک صفت تابعیتنه تأثیرینی قبول ایتدکلیندن ، اویله بر دولت تبعه سندن بر قادین بر عثمانی ارکک ایله ازدواج ایتدیک حالده تابعیت عثمانیه به داخل اوله مامق طبعیدر . شو حالده درج اولنه حق ماده یه « اکر قادینک مذنبوب اولدینی دولتک قانونی مساعد ایه » قیدینک علاوه سی حائذه بو جهتده اجمال اولمش ارلور .

تبعه عثمانیه دن اولان قادینلر اجنبی ارککلر ایله تاهل ایتدکلی حالده

تابعیت عثمانیه بی ضایع ایدر لر . قادیس لرك ازدواج حسبيله تبدل صفتلری علماً جای اعتراض اوله مز ! بونده قادیس لره آرزولری خلافده جبراً بر صفت جدیده تحمیل اولمش اولمز : اجنبی ایله ازدواج اتمسی حسبيله تابعیت اصلیه سی ضایع اوله حق اولان قادین بونوجهله تبه اجنبیه دن بری ایله ازدواج ایدر سه تابعیت اصلیه سنك ضیاعه اوغرایه جغفی بیلهر ك ازدواجه وبوسه بيله تبدل صفته راضی اولیور دیمكدر . یالكر حكمی متضمن اولان مواد قانونیه صریح اولقی ، دلالة استنباطه معنی اولماق مقتضی اولدیغندن ، قانون عثمانيك بوكا دار اولان ماده سنده اجنبی ایله تأهل ایدن عثمانلی قادیس لرك ، اجنبيك منسوب بولندی بی دولت قانونی بوكی نسوانی تابعیت قبوله مساعد ایه ، تابعیت عثمانیه دن چیقه حق اولدقلرینه دار صراحت اعطاسی ایله برابر هر حالده اجانب ایله تأهل آرزو سنده بولنان عثمانلی قادیس لرك قوانین عثمانیه احكامنه توفیقاً بوفعلی ایضایه صلاحیتلری بولمق مشروط اولدیمنك علاوه درج وقیدی مناسب اولور . اجانب ایله بالازدواج تابعیت عثمانیه بی ضایع ایلمش اولان نسوانك ، زوجلر ينك وفاتی ویا بینلرنده طلاق وقوعی سببيله ، تکرار تابعیت عثمانیه به رجعت ایده بيله جكلری حقنده کی حکم قانونيك محافظه سی ده مناسبدر .

عن اصل تبه عثمانیه دن ایکن بالآخره ، یا اصولاً حکومت سیده دن رخصت استحصالی ایله ویا جزاء تابعیتدن اسقاط اولمق صورتيله ، تابعیت اجنبیه به کیرمش اولان کیمسه لرك شمیدی به قدر ممالك عثمانیه به عودتی ممنوع ایدی ؛ بناء علیه بونلر بردها تابعیت عثمانیه به قبول اولمز لردی . حالبوکه تابعیت خصوصنده رضاء طرفین فصل بر شرط اساسی ایهسه موجود بر تابعیتك ادامه واضاء سی امر نده در رضا اوله چه الزمدر . بر کیمسه تابعیت اصلیه سی تركله بر تابعیت جدیده کسب ایتدکن بر مدت صکره تکرار تابعیت اصلیه سنه رجوع ایتك آرزو سنده بولنه بیلیر . بناء علیه عن اصل عثمانلی ایکن اجنبی بر دولت تابعیتنه داخل اولمش اولان بر کیمسه تابعیت عثمانیه به رجوع ایتك استرسه بوكیبیلری مطلق صورتده رد ایتك جائز دکادر . یالكر بونلر میاننده تکرار

تابعیت قبولی جائز اولیانلر بولندینی حالده اومثللولری رد ایتمک دولتک جمله حقوقدن اولدینی شبهه سزدرد. آنجق شوراسی سزاوار دقتدرکه بولردن تکرار تابعیت عثمانیه دخال آرزوسنده اولانلر ممالک عثمانیه عودت ایتمک و عودتلی تاریخدن اعتباراً مثلاً اوج سنه ظرفنده تابعیت قبول ایچون حکومته مراجعت ایلمک لازم کلیر ؛ بوکا مقابل ممالک عثمانیه داخلنده مقیم عثمانیلرک هیچ بری خارج مملکتک نقل و هجرت ایتدیکجه تابعیت عثمانیه دن چیقه مامق و فقط بولدن یالکز اجنبی ایله ازدواج ایدمکک نسیوان عثمانیه مستثنا طولدمق ایجاب ایدر . اشته قانون عثمانییه بوجهت لردکه علاوه سی لابدر .

محل ولادت اساسنه توفیقاً تابعیت اصلیه نی تعیین ایلیان دولتلردن برینک ملکی داخلنده برعثمانلیدن حاصل اولان چوجق او دولت قانونی نظرندک تبعه محلیه دندر ، حالبوکه قانون عثمانی او چوجنی اویینه نسبتله عثمانی عد ایدر ؛ بنا علیه بوکی احوالده حکومت عثمانیه ایله او دولت آره سنده اختلاف قانونی ظهور ایلر . دولت شرایع ساره نی نظره آله رق ، احکام اساسیه قانونیه سی تعدیل و تغییره مجبور اولمادیغندن ، بوکی اختلافاتک حلی پک اوقدر سهیل اولمز سده ، بوجهله تولد ایتمش اولان چوجقلر مثلاً سن رشده وصوللری سنه سنده مولدلی اولان مملکت تابعیتی ترجیح ایدمکک برنی مأمورین عاده سنه بلر ارجعه رسماً بیسان ایتدکاری حالده تابعیت عثمانیه ده قالمش اوله جقلرینه دأر اومسلکده بولنان دولتلر ایله معاهدات مخصوصه عقد ایتمک فائده دن خالی اولمز . عن اصل تبعه دولت علیه دن ایکن تبدیل تابعیت ایدمکک بر صفت اجنبیه استحصال ایلمش اولان برکیم سده دن ، اجنبی اولدقدن صکره ، حاصل اولان چوجقلر ممالک عثمانیه یه کلوبده صفت عثمانیه کسب ایتمکک استرلر سه جقلرنده سهولت کوسترلک و ، مثلاً ممالک عثمانیه داخلنده تولد ایدن اجنبی چوجقلری ایچون اولدینی کی ، ممالک عثمانیه یه کلدکاری زمان رشید ایسه لر وصوللرندن و غیر رشید ایسه لر سن رشده واصل اولدقلرندن اعتباراً اوج سنه ظرفنده رسماً مراجعت ایلرلر سه تلسیق ایلمکک بجا اولور . بوکا دأر قانون عثمانییه بر ماده

مخصوصه درجی اقتضا ایدر .

دول متمدنه نك اكثرنده کیفیت تلمسیق آره دن بر زمان کچمدکجه ملسق کیمسه لره او مملکت اهالی اصلیه سنک بالجله حقوقی بتمامها بخش و تأمین ایتز . مثلاً فرانسه ده تلمسیق اولان بر کیمسه تلمسیق زمانندن اعتباراً اون سنه مرور ایتدکجه فرانسه لره عائد حقوق سیاسیه بی تماماً احراز ایده مز . بوده نفس الامر موافقدر ؛ فی الحقیقه بر کیمسه یکی انتساب ایتدیکی بر مملکتک بتون احوال و احتیاجنه لایقیله اطلاع حاصل ایتدکسزین او مملکتک اداره داخلیه و خارجیه سنه عن اصل یرایلر درجه سنده اشتراك ایدرسه بوندن ملکاً بر طبق محذور لر ظهور ایتک طبیعیدر . بناء علیه تابعیت عثمانیه یه قبول اولنان کیمسه لر حین تلمسیقلرنده بلدیله انتخاباته دهلزل اولق ، ملکی و عسکری خدمت دولته قبول اولتق ، تبعه سائر عثمانیه نك حاز اولدینی حقوقدن استفاده ایتک پک مناسب ایدسه ؛ مجلس عمومی یه مبعوث انتخاب ایتک ، مبعوثانندن واعیانندن اولق ، و کلاقی مقامنه لکک ایچون تبعیت عثمانیه یه قبول زمانندن اعتباراً ، مثلاً اون سنه کبی ، بر مدت کچمسی شرط اتخاذ اولنهرق قانونه درج ایدلسه فنا اولمز ظن ایدرم .

اوریک اغاسی زاده

حسن سری

## یکرمنجی عصر اوائلنده حقوق دول

### ۴

## جمعیت دولیه و اوروپا خارجنده کی اقوام

کچن مقاله لرده بریلن ایضاحانندن استنتاج اولونابیلیرک حقوق دولده هرشی حال ترقی و تکملده در و عموم دولتلر ، کوندن کونه ، هر کسک تحیل ایتدیکی جمعیت عمومی بی وجوده کتیرمه کی میل ایتدکده درلر . حال بوکه بویله دکدر . هر نه قدر معاملات و اصول دول ، حقیقی ترقیات احراز ایتش و فناً توضح ایدن قواعد بالخاصه حقوق خصوصیه دول ایله حقوق اداریه دوله تعلق ایدن احوالده